



UKA 2017/91
04. okt. 2017
Bendt B. Kristiansen

Inuit piginneqatigiiffinni aningaasaliissuteqarnermikkut pappialallu nalillit ilaasigut iluanaarutaasa annaasaqaataasalu akileraaruserinikkut aaqqiivigineqartarnerat pillugu Inatsisartut inatsisissaattut siunnersuutaat.

(Aningaasaqarnermut Akileraartarnermullu Naalakkersuisoq)

Aningaasaliissutitigut isertitat allatulli isertitatut, soorlu iluanaarutit, erniatigut isertitatut akissarsiatigullu isertitatut kalaallit nunaanni akileraarusernarnissat siunnersuutikkut anguniarneqartoq iluarisimaarparput. Iluanaarutit pineqartut manna tikillugu akileraaruserneqanngitsumik isertitsissutigineqartarput.

Siunnersuutip ilaatigut qulakkeerniarpaq nunatsinniit nunanut allanut nuunnermi iluanaaruteqarsimatilluni akileraaruteqartarnissaq imaluunniit annaasaqaateqarsimatilluni ilanngaatigineqarsinnaatilernissaat. Taamaaliornikkut qulakkeerneqassaaq isertitanik iluanaaruteqaataasimasut ilumut nunatsinni akileraaruserneqartarnissaat.

Siunnersuutip aamma pitsaaqutigaa inuinnaat pigisaannik nalilinnik amerlanerulersitsisussaammat aammattaaq ingerlatsinikkut amigartooruteqarnermi ernianik ilanngaataasinnaasunik pissarsissutigineqarsinnaassammat.

Aktiaticigut aningaasaliissuteqartarneq annaasaqaataasinnaasarpog, taamaattumik pissusissamisoorpoq ukiumi ataatsimi ilanngaatissat ilanngaatigereerlugit annaasaqaatit, ukiut qulit iluanni ukiup tulliani iluanaarutitut ilanngaataasinnaanissaannik periarfissiineq.

Siunnersuutip tusarniutigineqarnerani akissuteqaataasimasut annertupput teknik-itaqagaatsiartut, taamaammat siunnersuutip aappassaaneerneqannginnerani ataatsimiititaliamut susassaqartumut misissoqqissaarneqartussanngorlugu ingerlateqqinneqarnissaa inassutigaarput, ilaatigut suliffeqarfiit matunearlutik atuukkunnaarneranni aamma inatsit atuutsinneqassanersoq misissoqqullutigu.